



**FAKTOR-FAKTOR YANG MEMPENGARUHI KECELARUAN
GENDER DI KALANGAN PELAJAR LELAKI LEMBUT
DI UiTM JOHOR**

OLEH:

**SIDEK ABDULLAH
KHADIJAH YAHYA
HASDI YUSOFF**

DISEMBER 2005

PENGHARGAAN

Alhamdulillah setinggi kesyukuran kehadiran Allah yang memberikan kekuatan kepada kami untuk menyiapkan kajian yang amat bermakna ini. Selawat dan salam keatas junjungan nabi Muhammad s.a.w. pembawa risalah Islam kepada seluruh alam.

Dikesempatan ini kami merakamkan setinggi-tinggi penghargaan kepada semua pihak yang terlibat samada secara langsung atau tidak langsung sehingga kajian ini menjadi kenyataan. Di antaranya :

Prof.Madya Dr. Mohamed Hashim bin Mohd Kamil, Pengarah UiTM Johor
Pencetus Idea yang selalu memberikan sokongan

Prof.Madya Zaluddin Sulaiman TPHEP dan staf HEP
Yang sangat memberikan kerjasama dan pertolongan

Pn.Azizah Aris Ko Ordinator URDC
Yang selalu bersedia memberikan tunjuk ajar

Prof. Dr.Azimi Hamzah dan rakan-rakan Pelajar Phd.Fakulti Pendidikan UPM
Sangat banyak membantu memberikan ilmu 'Qualitative Research'
Terima Kasih mengizinkan kami menjadi 'Pelajar Phd'.

Pn.Aluyah
Kaunselor Kanan UiTM Johor
Yang berkongsi idea dan pandangan

Pelajar-pelajar yang terbabit dalam kajian ini

Ibu bapa pelajar terbabit
Yang bersedia menerima kami

Ust.Ahmad Nawawi Haji Yaakob
Yang bersedia mengedit kajian ini

Penilai-Penilai Dalaman
Yang memberikan kritikan dan pandangan, serta pihak perpustakaan Universiti Malaya

Rakan-rakan semua yang selalu memberikan sokongan dan dorongan hingga kajian ini dapat disiapkan dalam tempoh yang diberikan. Atas kekurangan dan kekhilafan yang ada mohon dimaaf jua. Moga usaha yang kecil ini menjadi ibadah jua pada mu Ya Allah.

Sidek Abdullah
Khadijah Yahya
Hasdi Yusoff

DAFTAR KANDUNGAN

BAB	PERKARA	MUKA SURAT
BAB I	PERMASALAHAN KAJIAN	
	1.1 Pengenalan	1
	1.2 Latar Belakang Kajian	4
	1.3 Pernyataan Masalah	5
	1.4 Objektif Kajian	6
	1.5 Kepentingan Kajian	6
	1.6 Skop Kajian	7
	1.7 Definisi Konsep	8
BAB II	KAJIAN LITERATUR	
	2.1 Pengenalan	13
	2.2 Model graduan UiTM	13
	2.3 Graduan Yang Menjadi Aspirasi Majikan	14
	2.4 Kecelaruhan Gender	15
	2.5 Lelaki Lembut Mengikut Pandangan Islam	17
	2.6 Kajian Lepas	22
BAB III	METODOLOGI KAJIAN	
	3.1 Pengenalan	26
	3.2 Populasi dan Subjek Kajian	26
	3.3 Tempat Kajian	27
	3.4 Kaedah Pengumpulan Data	27
	3.4.1 Temubual	27
	3.4.2 Pemerhatian	29
	3.4.3 Dokumentasi	30

ABSTRAK

Kajian ini meneliti beberapa faktor yang menyebabkan sesetengah lelaki menjadi lembut dan lebih terserlah sifat keperempuanannya. Antara faktor yang cuba diketengahkan ialah faktor diri sendiri, keluarga, rakan sebaya, sosialisasi dan juga persekitarannya. Bagi tujuan tersebut beberapa teknik kajian digunakan seperti temuduga bersemuka, perbualan tidak langsung, dokumentasi dan juga pemerhatian. Penyelidik telah mengatur beberapa program bersama subjek bagi mendapatkan maklumat responden termasuk aktiviti bermain bowling, program home-stay selama dua hari di salah sebuah pusat motivasi di Segamat, mengadakan majlis minum teh, lawatan ke bilik penginapan di kolej, pemerhatian dalam kumpulan bina insan, bertemu rakan sebilik yang berlainan sifat dengan mereka dan akhir sekali bertemu keluarga mereka sendiri. Kajian ini mempunyai signifikan tersendiri dalam konteks mencari punca dan penyelesaian bagi menghadapi masalah kecelaruan gender di UiTM khususnya dari terus berleluasa. Diharapkan kajian dalam bentuk penglibatan bersama ini memberi manfaat dalam usaha mengenali keperibadian subjek di samping mendatangkan kebaikan kepada responden; agar mereka mempunyai hala tuju yang jelas apabila menamatkan pengajian nanti.

BAB I

PERMASALAHAN KAJIAN

1.1 Pengenalan

Isu kecelaruan jantina (transeksual) menjadi sebahagian daripada masalah sosial yang ada pada hari ini. Ia bukan sahaja menjadi masalah pada individu terbabit, keluarga atau masyarakat malah negara amnya. Isu ini turut mendapat perhatian di peringkat pemimpin atasan. YAB Perdana Menteri Malaysia Datuk Seri Abdullah Hj. Ahmad Badawi telah beberapa kali menyarankan supaya usaha-usaha terkini perlu dilakukan bagi melahirkan bangsa Malaysia yang berpersonaliti unggul (*Towering Personality*). Pandangan ini selari dan diperkukuhkan lagi oleh Menteri Pengajian Tinggi, Datuk Dr. Shafie Mohd Salleh yang menyatakan bahawa budaya yang ada di INTAN perlu diterapkan kepada pelajar-pelajar di institut pengajian Tinggi (IPT) (Mingguan Malaysia 13 Februari 2005, hlm.9). Beliau menggariskan sembilan kriteria pelajar unggul dengan penekanan kepada kemampuan intelektual (IQ), kemampuan emosi (EQ) dan kemampuan spiritual (SQ). (Keluaran Khas Utusan Malaysia, 27 Mei 2005)

Menyedari hakikat ini kita sebagai golongan pendidik yang berada bersama-sama pelajar merasakan satu tanggungjawab untuk membangunkan modal insan seperti yang dikehendaki. Di peringkat IPT khususnya masalah lelaki lembut atau kupu-kupu malam ini bukan suatu rahsia lagi. Perkara ini dinyatakan sendiri oleh Datuk Dr. Siti Zaharah Sulaiman yang waktu itu (2003) menjadi Menteri Perpaduan Negara dan Pembangunan